

## آخر حكايات السفر

هتسيب مكانك  
وتمشي خطوتك بشويش  
سلم سلاحك  
مفكاش مروة لصد جيش  
قُول القصايد  
وزع صور ومطالsh عيش

\* \* \*

يامعلمين ع العمر  
متعلمين بالمر  
لو لسه فيها طموح  
كنا قصرنا الشر  
لو لسه فينا الروح

كنا عاندنا الدهر  
لكنها بتروح  
لي في إيده المهر  
والي غزلته سنين  
بيلبسوه لابو صَهر  
مش كل الي هاجر باع  
ولا كل الي قاعد حَب  
ياما كلام اتزاع  
وخفوه في وقت الحرب

\* \* \*

وليك في الأرض إيه  
خلاك تواسيها؟  
بتجر ناعم ليه  
مش كنت ناسيها؟

أنا بسألك  
والله أعلم بالخفي  
قد ايه كلامنا المختفي  
بيهد في ضلوعنا.

أنا بمتلك  
فيكي قصايد  
قطفت شباب الحيل  
وسابتنا بدموعنا.

أنا بسألك  
جاوبيني يا أرض البراح  
أسرح بلا أهداف  
ولا أسعى في رجوعنا؟

